



სტატისტიკის ეროვნული სამსახური

ინფორმაცია სასტუმროებისა და სასტუმროს
ტიპის დაწესებულებების
საქმიანობის შესახებ

2017
წლის შედეგები



31.08.2018
www.geostat.ge

31.08.2018

ინფორმაცია სასტუმროებისა და სასტუმროს ტიპის დაწესებულებების საქმიანობის შესახებ, 2017 წელი

დეკლარირებული მონაცემების მიხედვით, 2017 წელს საქართველოში ფუნქციონირებდა სასტუმროს მომსახურებით დაკავებული 1496 ეკონომიკური სუბიექტი¹, რომელთაც გააჩნიათ 1595 სასტუმრო და სასტუმროს ტიპის დაწესებულება (ადგილობრივი ერთეულების და ფილიალების ჩათვლით).

სასტუმროს მომსახურებით დაკავებული ეკონომიკური სუბიექტებისათვის ყველაზე გავრცელებულ ორგანიზაციულ-სამართლებრივ ფორმას შეზღუდული პასუხისმგებლობის საზოგადოება წარმოადგენს, რომლის წილად მოდის 2017 წელს მოქმედი სასტუმროების და სასტუმროს ტიპის დაწესებულებების საერთო რაოდენობის 58.7 პროცენტი, ინდივიდუალური მენარმის წილად - 38.7 პროცენტი. დანარჩენ მათგანს გააჩნია სააქციო საზოგადოების (1.3 პროცენტი), სოლიდარული პასუხისმგებლობის საზოგადოების (0.1 პროცენტი) და სხვა ორგანიზაციულ-სამართლებრივი ფორმის (1.2 პროცენტი) სტატუსი. სასტუმროების და სასტუმროს ტიპის დაწესებულებების 99.1 პროცენტი კერძო საკუთრებაშია, ხოლო 0.9 პროცენტი - სახელმწიფო საკუთრებაში.

2017 წელს საქართველოში მოქმედი სასტუმროების და სასტუმროს ტიპის დაწესებულებების საერთო ფართობი 1790.3 ათას კვადრატულ მეტრს შეადგენდა (6.9%-ით მეტი, გასული წლის შესაბამის მაჩვენებელთან შედარებით). აქედან იჯარით გაცემულია 30.2 ათასი კვადრატული მეტრი, ხოლო ყველა ნომრის საცხოვრებელმა ფართობმა 882.1 ათასი კვადრატული მეტრი შეადგინა (7.4%-ით მეტი, გასული წლის შესაბამის მაჩვენებელთან შედარებით).

2017 წელს მოქმედ სასტუმროებსა და სასტუმროს ტიპის დაწესებულებებში ადგილების საერთო რაოდენობამ 66.9 ათასი ერთეული შეადგინა. ნომრების საერთო რიცხვი 30.7 ათასი ერთეულია, რომელთა 9.9 პროცენტი ლუქსია, 13.1 პროცენტი – ერთადგილიანი, 57.2 პროცენტი – ორადგილიანი, ხოლო 19.8 პროცენტი სამი და მეტი ადგილის მქონე ნომრებია.

2017 წლის განმავლობაში საქართველოს სასტუმროები და სასტუმროს ტიპის დაწესებულებები 3381.5 ათას სტუმარს მოემსახურა, რაც 33.1 პროცენტით აღემატება გასული წლის შესაბამის მაჩვენებელს. საქართველოს სასტუმროებს სტუმართა 69.7 პროცენტი საზღვარგარეთის ქვეყნებიდან სტუმრობდა², 30.3 პროცენტი - საქართველოდან. საზღვარგარეთის ქვეყნებიდან საქართველოს სასტუმროებს უმეტესად სტუმრობდნენ რუსეთიდან (16.9 პროცენტი) შემოსული სტუმრები.

¹საქართველოს კანონმდებლობის შესაბამისად რეგისტრირებული იურიდიული პირები და ინდივიდუალური მენარმები.

²სასტუმროების და სასტუმროს ტიპის დაწესებულებების სტატისტიკური გამოკვლევის შედეგების ტურიზმის ეროვნული ადმინისტრაციის მონაცემებთან შედარებისას დაფიქსირდა, რომ ტურისტების (ტურისტი არის ვიზიტორი, რომელმაც დამე გაათენა საქართველოს ტერიტორიაზე.) 57.9 პროცენტმა ისარგებლა სასტუმროს და სასტუმროს ტიპის დაწესებულებების მომსახურებით, ხოლო დანარჩენი ცხოვრობდა ახლობლის/ნათესავის ბინაში ან განთავსდა საოჯახო სასტუმროებში.

საქართველოს სტატისტიკის ეროვნული სამსახური


31.08.2018

ევროკავშირის ქვეყნებიდან შემოსულ სტუმართა შორის უმეტესობას პოლონეთიდან (20.0 პროცენტი) და გერმანიიდან (17.9 პროცენტი) შემოსული სტუმრები შეადგენდნენ, ხოლო სხვა ქვეყნებიდან შემოსულ სტუმართა შორის უდიდესი წილი თურქეთიდან (27.5 პროცენტი) და ირანიდან (20.1 პროცენტი) შემოსულ სტუმრებს უკავია. 2017 წელს გასულ წელთან შედარებით სტუმართა რაოდენობა რუსეთიდან გაიზარდა 73.6 პროცენტით, თურქეთიდან - 60.8 პროცენტით, ირანიდან 2.4 - ჯერ, უკრაინიდან - 37.0 პროცენტით, აზერბაიჯანიდან - 44.8 პროცენტით, ისრაელიდან - 26.4 პროცენტით, სომხეთიდან - 61.3 პროცენტით, პოლონეთიდან - 1.1 პროცენტით, საუდის არაბეთიდან - 2.2 -ჯერ.

შემდეგი დიაგრამა ასახავს არარეზიდენტი სტუმრების პროცენტულ განაწილებას, რომლებიც 2017 წელს სტუმრობდნენ საქართველოს სასტუმროებს:

დიაგრამა 1.

არარეზიდენტი სტუმრების განაწილება ქვეყნების მიხედვით, 2017 წელს



საქართველოს სტატისტიკის ეროვნული სამსახური


31.08.2018

საზღვარგარეთის ქვეყნებიდან საქართველოს სასტუმროებს უმეტესად სტუმრობდნენ რეკრეაციისა და დასვენების მიზნით 78.4 პროცენტი, საქმიანი და პროფესიული მიზნით - 13.8 პროცენტი, მკურნალობის მიზნით - 1.9 პროცენტი, ხოლო დარჩენილი 5.9 პროცენტი სხვა მიზნებზე მოდის.

შემდეგი დიაგრამა ასახავს არარეზიდენტი სტუმრების განაწილებას სტუმრობის მიზნის მიხედვით:

დიაგრამა 2.

არარეზიდენტი სტუმრების პროცენტული განაწილება სტუმრობის მიზნის მიხედვით



რეკრეაციისა და დასვენების მიზნით, სასტუმროებსა და სასტუმროს ტიპის დაწესებულებებში განთავსებული არარეზიდენტი სტუმრებიდან 17.3 პროცენტი მოდის რუსეთიდან ჩამოსულ სტუმრებზე, 16.5 პროცენტი - თურქეთზე, 12.4 პროცენტი - ირანზე, 6.8 პროცენტი - უკრაინაზე, 5.4 პროცენტი - ისრაელზე, 4.3 პროცენტი - აზერბაიჯანზე, 4.0 პროცენტი - სომხეთზე, 2.2 პროცენტი საუდის არაბეთზე, 2.1 პროცენტი - პოლონეთზე და 1.8 პროცენტი - გერმანიაზე.


შემდეგი დიაგრამა ასახავს არარეზიდენტი სტუმრების რაოდენობას სტუმრობის მიზნის მიხედვით, 2017 და 2016 წლებში:

საქართველოს სტატისტიკის ეროვნული სამსახური

31.08.2018

ღიგზრამა 3.

არარეზიდენტი სტუმრების რაოდენობა სტუმრობის მიზნის მიხედვით



საკონტაქტო პირები:

გიორგი სანაძე, ტელ: 2 36 72 10 (200), E-mail: gsanadze@geostat.ge

მარიამ ყაველაშვილი, ტელ: 2 36 72 10 (020), E-mail: mkavelashvili@geostat.ge